

“VICTOR MENDIZABAL – ORDIZIA” IKERKUNTZARAKO V. BEKA EMATEKO DEIALDIRAKO OINARRIAK.

Ordiziako Udalak kultura eta hezkuntza arloan duen helburuetako bat Ordiziari buruzko azterketak bultzatzea izanik “Victor Mendizabal – Ordizia ikerkuntzarako V. Beka” deialdia egitea erabaki du. Deialdia bi urtetik behin egiten da.

Deialdi hau oinarri hauen bidez arautuko da. Ordiziako Udalak oinarri hauetan aurreikusi gabeko gorabeherak konpondu ahal izango ditu, eta horretarako azaroaren 18ko 38/2003 dirulaguntzen Legea eta hori garatzen duen erregelamendua erabiliko ditu.

1.- XEDEA ETA EZAUGARRIAK

1.1 Deialdiaren helburua da humanitateen, gizarte-zientzien eta naturazientzien arloko ikerkuntzarako ohitura suspertzea eta Ordiziako herriari buruzko azterketak bultzatzea. Ikerketa lan hauen aztergaiak Ordiziari edo/ eta ordiziarrei buruzkoak izan beharko dira eta irekia da iker daitezkeen gai guztiekiko: Historia, Arte, Ondarea, Arkeologia, Geografia, Ekonomia, Soziologia, Etnologia, Hizkuntza, Literatura, Folklore, Turismoa, Abeltzaintza, Industria, Biologia, Ingurumena....etab.

1.2 Beka honen egikaritza epea 12 hilabetekoa izango da, beka esleitzen den egunetik hasita.

1.3. Beka honen diru zenbatekoa 7.000 eurokoa izango da.

1.4. Ikerketa-lanak originala eta argitaratu gabea izan behar du.

1.5. Ondoko ekintza hauek ezingo dute dirulaguntzarik jaso deialdi honen bidez:

a-. Azaroaren 17ko 38/2003 dirulaguntzen Legeko 13.2 eta 13.3. artikuluetan aurreikusitako egoeraren batean aurkitzen direnak.

b-. Konstituzioak 14. artikuluan jasotzen dituen eskubideen aurka doazen elkarte edo erakundeetatik datozen proposamenak ere ez dira aintzakotzat hartuko (jaiotzagatik diskriminatzea, arrazagatik, sexuagatik, erlijioagatik, iritziagatik).

2.-IZANGAIK

2.1. Deialdian norbanakoek nahiz horretarako osatutako lantaldeek parte hartu ahal izango dute. Bigarren kasu honetan, taldearen arduradun bat izendatu beharko da.

3.- DOKUMENTAZIOA ETA AURKEZPENERAKO EPEA

3.1 Eskaerak eta gainerako agiriak aurkezteko epea deialdia Gipuzkoako ALDIZKARI OFIZIALEAN argitaratzen den hurrengo egunetik kontatzen hasita, 2019ko martxoaren 22a arte aurkeztu ahalko dira, Ordiziako Udalean edo Udalaren Egoitza Elektronikoa, behar den bezala sinatuta eta beteta, ondorengo agiri hauekin batera:

- Ikerkuntza proiektuaren Txosten-Laburpena (gehienez 20 orri) eta bertan azaldu beharko dituzte proiektuaren oinarriko nondik-norakoak, metodologia, aztergaiak, erabiliko dituzten iturburuak eta lana zein hizkuntzatan idatziko duten.

-Izangaien Curriculum vitae-a. Ondorengo alderdiak zehaztuko dira bertan:

- Prestakuntza (titulazioak, hizkuntzak, masterrak, gradu-ondoko ikastaroak,...)
- Lan esperientzia (lanak, argitalpenak, sariak, beste beka batzuk,...)

Meritu horien inguruko egiaztagiria aurkeztu beharko dira.

- Eskatzailearen lan egoera ziurtatzen duen agiria.

3.2 Eskatzaileak aurkezturiko dokumentazioa osatu gabe dagoela edo oinarri hauetan eskatutako baldintzak ez dituela betetzen ikusiz gero, interesatuari galdutako zaio hamar eguneko epean akatsa konpontzea. Hala egingo ez balu eskaeran atzera egin duela ulertuko da Herri Administrazioen Administrazio Prozedura Erkidea arautzen duen urriaren 1eko 39/2015 Legeko 68. artikuluan aurreikusitakoaren arabera.

4.- EPAIMAHAIA ETA ESLEIPEN PROZEDURA

4.1 Ordiziako Udaleko Kultura Delegazioak izendatuko du epaimahaia.

Epaimahai honek ahalmena izango du, aurkeztutako ikerketa proiektuak ulertzeko beharrezkotzat jotzen duen informazio osagarria eskatzeko, eta behar izanez gero, egileek Epaimahaiaren aurrean beren Memoria-Laburpena aurkeztu eta azaldu dezaten eskatzeko.

Eskarien ebaluaketa, ondorengo baremoa kontuan hartuz egingo da:

□ Memoria-Laburpena: Gehienez 60 punturekin baloratuko da. Proiektuek deialdiaren helburuekiko daukaten interesa, zehaztasun zientifikoa eta egokiera kontuan hartuko da, eta gaiaren originaltasuna eta gutxien ikertuta dauden garai kronologikoen azterketa ere bai.

□ Curriculum vitae-a: Gehienez 30 punturekin baloratuko da. Bekaren xede diren gaiarekin zerikusia daukaten prestakuntza eta lan esperientzia baloratuko da, edo pertsonalki hobekuntza ekarri eta aurkeztutako lanean eragin zezaketenak. Kontuan hartuko da prestakuntza, esperientzia, argitalpenak, bekak, sariak, lanak,

□ Euskaraz aurkeztutako lanei 10 puntu esleituko zaizkie.

□ Puntuazioan berdinketa gertatuz gero, langabezian dagoela egiaztatzen duen izangaia aukeratuko da.

4.2 Epaimahai Kalifikatzaileak ahalmena izango du oinarri hauek ulertzeko eta deialdia garatzerakoan aurreko klausuletan zehazki aurreikusi gabeko arazorik sortuz gero, hauek erabakitzeke.

4.3 Puntuaketa:

— Eskatzailearen puntuazioa, epaimahaikide bakoitzaren puntuak gehitu eta bataz bestekoa izango da. Epaimahaikide guztiek dute erabakitzeke eta puntuazioa jartzeko eskubidea.

— Puntu gehien duen eskatzailea proposatuko da beka jasotzeko eta honek onartuko ez balu edo adierazitako merituek egiaztatuko ez balitu, hurrengoa proposatuko da. Hala ere, epaimahaiak bekarik ez emateko proposamena egin dezake, lanen kalitatea nahikoa ez dela uste badu.

5.- BEKADUNAREN BETEBEHARRAK

5.1 Onuradunak, beka hori onartzen duela idatziz jakinarazi beharko du, horren berri ematen zaionetik gehienez hogeit hamar egun naturaleko epearen barruan.

5.2 Lanak behin betikoz amaitutakoan, euskaraz nahiz gazteleraz idatzita - paperean eta euskarri informatikoan- Ordiziako Udaleko Kultura Sailean aurkeztuko dira, 1.2 atalean aipatzen den bezala.

5.3. Horrekin batera, bekaren bukaeran memoria (ikerlana beraren azken erredakzioa) aurkeztu beharko du. Lan horren hiru ale entregatuko dira, tarte bikoitzez mekanografiaturik, koerlatiboki orrialdeztatua eta koadernaturik, baita euskarri informatikoan ere.

5.4. Lanaren luzerak gutxienik 100 orrialde izango ditu, orrialdeko 30 lerroz eta lerroko 60 idazki zeinuz, grafikoak, argazkiak eta antzekoak dituzten orrialdeen kasuan izan ezik.. Testua ez den elementu oro orrialdeetan zehar edo tokirik ez balego lanaren bukaeran, eranskin gisa, erantsiko da. Horrelako elementu bakoitzak behean bere azalpentxoak izan beharko du. Edozein kasuan, lanak - gutxienez testuko 100 orrialderen baliokidea izan behar du. Eranskinetako orrialdeak ez dira kontutan hartuko puntu honetan zehaztutako gutxienekoak betetzeko.

5.5. Egileak 30 lerro inguruko laburpena eta edukiaren berri ematen dituen deskribatzaileak erantsiko ditu euskaraz gain, gazteleraz, frantsesez eta ingelesez.

5.6 Arrazoi garrantzitsuren batengatik egileetakoren batek bere ikerkuntzan funtsezko aldaketak egin beharko balitu edo finkatutako epearen barruan lana amaitzerik ez duela aurreikusiko balu, aldeztu aurretik Kultura Sailari adierazi beharko lioke, behar bezala arrazoitutako eskaera baten bidez. Honelakorik gertatuz gero, berriro Epaimahai Kalifikatzailea deituko litzateke eta honek, egoeraren arabera, onartu edo baztertuko litzuzke aldaketa eta luzapen horiek, onartuz gero beti ere lanak entregatzeko epe berria ezarriz.

6.-.- ORDAINKETAK

Laguntza eman aurretik, dagozkion izapide administratiboak gauzatu beharko dira, eta ondoren zehazten den moduan ordainduko da:

- Kopuru osoaren %30, onartzen den une berean, aurre-ordainketa moduan.
- Kopuru osoaren %30, beka ematen zaionetik lana aurkeztu bitarteko epearen erdian, horretarako egindako lanaren eta egingo denaren azalpen-txostena aurkeztu beharko duen bitartean.
- Gainontzeko %40, beka dirauen epearen amaieran, emaitzak aurkeztuta.

Lana bukatuko ez balitz bekadunak emandako diru guztia itzuli beharko lioke udalari, sortutako kalte eta galerengatik udalak eska dezakeen kalteordainaren kalterik gabe. Ikerlanak sor ditzakeen gastuak bekadunaren kontura izango dira.

7.- LANEN JABETZA

Lanen jabea Ordiziako Udala izango da. Udalak berarentzat gordetzen du ikerketak osoki edota partzialki erreproduzitu, argitaratu eta plazaratzeko

eskubidea, bere kabuz edo beste erakunderen baten hitzarmenez, egoki deritzon. Beti ere lanaren egileak aipatu beharko ditu.

Udalak sortutako materiala aurkeztu eta lau urteko epean argitaratu ez badu, egileek material hori erabili ahal izango dute egokien iruditzen zaien moduaren bidez plazaratzeko. Egileek orduan jasotako bekaren aipamena egin beharko du (bekaren eta beka eman duen erakundearen izenak jarritz) eta udalari argitaratutako lanaren 20 ale eman beharko dizkio.

8.- GORABEHERAK

Aurreko klausula horietakoren bat beteko ez balitz, Beka indarririk gabe geratuko litzateke eta onuradunek jasotako dirua itzuli egin beharko luke.

Deialdi honetan parte hartzeak, oinarri hauek onartzea dakar.

9.-DATU PERTSONALEN BABESA

Eskatzaileak/ek bere/euren erantzukizunpean adierazten du/ dute eskabide honetan jarritako datuak egiazkoak direla. Datu pertsonalak babesteko eta eskubide digitalak bermatzeko abenduaren 5eko 3/2018 Lege Organikoa eta Europako Parlamentuaren eta Kontseiluaren 2016/679 Erregelamendua, 2016ko apirilaren 27koa (RGPD), datu pertsonalen tratamendua eta zirkulazio askea direla-eta, pertsona fisikoak babesteari buruzkoa betetzeko, jakinarazten dizugu zuk emandako datu pertsonalak Ordiziako Udaleko Eskatzaileen Erregistroan sartuko direla.